

湘綺樓詩第五卷

戊午 己未 庚申

湘潭王閏運字壬父著

從南昌至臨川一望平林沙田作一首

寒原送雲日空秀無遠近渺然恬澹意浩若滄洲影輕煙有餘妍夕照見低隱遙瞻
山漸微迴觀勢難盡平林多貞姿蔥翠自相引既得汀渚趣庶覺塵勞泯緇鬢何足
矜忘年託松菌

金谿東鄉作

長征寢猶驚道遠歡不謝明月忽照人如玉階夜貞林潤寒綠深巒帶遙畫巖曲
景易新瀨淺水難瀉冉冉驚歲徂依依感心暇情眷幽蘭隱目都芳茅化隨物既推
遷達生豈悲詫萬事如有期曾是吝歸駕

南城至貴溪多曲徑密林冬樹青青時渡川澗水純作銅碧色清淺映底

旅人知久別幽間願歸寢陵晨路已緬涉澗風猶送霜烟互蒸霏林壑涵靜動輕銅
漾凝碧遙石分青蒼鑒波影逾獨登梯感誰并遐想謝公迹近矚麻源洞委曲情屢
移優游道難用勞形亮無適孤芳詎堪弄永作塵中游將貽達者勸一悟竟安遣外

物徒相控

溯饒水至玉山

水宿瀟塵襟。濯弄芳潔雖無蘋藻秀。波石亦可悅文鱗。蹴寒碧。飛玉漱。瀾雪密。霰
濺潺湲。風水鳴清切。沙禽哀夜寒。潛魚怨梁絕。微物無離憂。茲心果安設。伊余本懷
安。羈行自總髮。偶與屯蹟離。已覺勞逸別。方託楊朱戒。舍席終可奪。

雨宿江南步始入浙境作

役車久已休。游子難爲心。日短道更長。興淺思始深。遡颺犯嚴寒。輿轎趨遙岑。密石
路修潔。陳莽餘荒森。飢雀過隴急。同雲結風陰。墟市藹相望。煙起成一林。越國旣改
觀。殊土漸移音。白雪孤楚奏。涉江愁越吟。莫節物多感。微我獨不任。若逢同心。寢知
余幽獨琴。

七里瀨雪中瞻眺

峭壁埽纖煙。微雪拂更碧。夾江波勢洶。杳嶂天容隘。奔湍隨歲晚。重雲自古積。身依
孤棹去。心愧垂釣客。遙遙竟千載。汎汎誰再歷。隱見豈予心。貴從性所適。欲攀山阿
竹。且拂瀾邊石。孤游非久要。意愜轉成戚。

江濤積冬春寒雪更昏晝飢禽久無聲郢曲猶一奏荒林似如昔竦嶂遙相走落石
麗雲錦峰巒攢華秀乘流逐岸轉遡颿苦寒驟苦辛爲誰故屯遘未云負謝公逐已
天嚴子終頤壽山澤願雖同名道詎兩副觀此將淒其虛舟庶能宥

出嚴陵灘至桐廬

客心貪名境桐廬接幽觀空波稍渺茫漁艇得疏棹平洲方右迺曾山漸左羨日莫
陰雲升風過潛波渙龍蟄固存身鷗飛寧假翰古來賢達人羈游不可算但恨所志
乖貽阻焉足歎及此歲無幾長歌且伸旦

富陽

玉瓦映朱樓雪照千家縣深林翼孤峰煙攔三重觀青瀾旣潭沱寒樹猶明舊悠悠
扣揖謳渺渺驚鳬亂賞心不假言餘秀殊可翫

錢唐

扁舟汎綠波波痕不可迹分棹激泠泠飛雪增淅淅羣山入雲水遠岸明竹柏南瞻
界一線北睇殷千疊豔歌已雲散雄圖久淒寂波潮來逐往陵谷今猶昔歲莫如可
嗟古事詎勝惜聊且齊悲歡逍遙以終日

宿漁浦潭作寄婦

宵寢故山梅灼灼春前榮曉看平洲樹纖纖雪中清路遠思不邇何用采芳馨想見倚幕歎寤念孤舟行雲昏翳後途水闊驚前征極望已悲慮况乃離思并知衰不覽鏡懷音儻報瓊卽是相傾企彌增他日情

夜半渡浙

雪渚雁鳴風夜江雞唱寒寂聽動哀響寥亮滿江山羈情苦飛越憑虛忽超遷餘清媚菰蒲素碧隱霜漣曉色物曖曖莫歲思縣縣本知虛舟達誰云舍筏賢

除夕登吳山觀杭州城

伏生眺武昌庾信哀金陵王氣一朝盡山川不再興茲邦信縣富夸脩坐相仍窈窕呈市肆綺紈追上陵冶游亮成俗靈境共攀登漠漠俯廣達輝輝麗彫薨鐘漏競曉歸簫管并風升賢達旣彌代土風不可勝聲明實蔥蒨佳麗見嗟稱誰謂蓬生曲化俗在賢能如何視推遷衰盛竟無憑武功驚遐邇成敗互相乘雄圖獨安寄太康有遺懲慘澹羈客懷憑高意飛騰心憂思何其歲晚歎無朋

正月三日汎杭州西湖從靜慈寺過孤山作

瀟湘不可望深秀如在目汎舟清湖陰幽想頗相屬連嶂合近郭澄潭映遠竹雪明樓閣靜影椒淪漪綠名境非眞靈傾城恣游矚炫服知俗荒積基念民蹙日倦西陵下賞會孤山麓喧寂余安從前修恒抱朴

月夜渡江

自從錢唐來久絕浩渺觀今爲揚子渡曠若溟渤寬挂帆便輕風鼓柁陵遠天蒼茫煙波際仰見孤月圓迴望已悲壯安用憑波瀾空明千餘里始覺天地寒靈境不可居靜夜想無端太息濯塵纓歸與殊未閒

春江月夜看新昏車過

玉腕蘭陵酒金堂少婦家輕寒消豔曲新草受鈿車燈月春明水笙歌夜對花願催垂柳綠隨處宿嚙鴉

高郵道中

行雲渺渺去終日竟何之芳草看看綠愁心正此時春風召伯埭明月露筋祠欲繫青驄住垂楊未有絲

詠史雜詩八首

仲蔚居貧園蓬蒿翳人迹矧茲宛洛游所安在容席窮巷延古落叢榛蔚荒碧孤雲
爲我朋飛鳥爲我客素心何必多徧性喜地僻雖無琴酒趣縱放聊自適沈吟若有
願高致邈難匹請謝當途人無爲問伐國

薄莫游燕郊思古登高臺浮雲乘海氣懷愴從東來滄波不可望仙駕在蓬萊曾聞
古徐生一往不復回秦王攤六龍帳殿臨蒼崖樹羽照千里鞭石遂莫追不見安期
瓜但覩驢山灰人事終已矣天道長悠哉

期門游俠兒少小好弦歌雖爲燕市游志不慕荆軻一朝被軍書驅馬向交河黃塵
蔽曾雲易水自生波垂淚聽變徵返顧空咨嗟人生有非常歡樂常苦多時變相迫
促棄置當如何

李斯臨東市仰視白日光悲風卷沙礫慘澹交衢旁黃犬亦何恨身死墮國綱羣盜
滿關東讒巧在君旁鷹隼不虛擊何爲誤見傷利害寵辱間反覆烏有常陵谷在俄
頃千載用慨慷

亭亭高樓柱蠹朽理荒菅本無千季節焉怨高風寒摧積糾蔓中豈復念彫盤但恨
梁棟少匠石用空言丹飾豈不美璀璨難久觀蹉跎廣夏材棄置窮谷端傾覆君自

取求仁又何怨

佳人步瑤宮明秀若蘭金希心託朝陽比潔濯春潯華質不並暉獨處怨幽深幽深亦何訴泠泠奏清琴一彈風雲和再唱鸞鳳吟鸞鳳依有德翩翩愁我心

子雲初冥思東方未上書上京富文藻來朋慰離居寂寂今世事逝將與我疏游鯉運四溟潦鯀樂一隅汎汎有自然規規欲何趨

窮居觀時運悽惻懷有道運物非至貞萬事何紛繞衰謝相催促達士不知老如何夸名子意氣傾懷抱榮祿未及終已復喪所寶念此能幾時端然至天曉

漢法源寺送龍知縣汝霖試用山西兼贈郭編修高齋詩御史耕雲郭新從
大沽防海營入奏兵狀與尹言夷務故有是贈

朝作白頭吟夕代東武疆西風一夜起秋色滿堂賓客增離憂送君西上太行道潏沱連雲沒秋草人生富貴須少年倏忽窮愁至將老京華來往十四春布衣疏食家仍貧只言白壁報知已惟見黃金賜近臣一旦系華人事改百道鯨波噴滄海匣中寶劍三四鳴萬戶侯封不相待坐中有客奏兵機絕國蕭條無是非空開西域蒲桃酒且盡牆東鸚鵡杯持杯卻問霜臺客祇恐中興有遺失致君堯舜公等知七疏書

成萬人惜卑官落拓更可憐嗟君欲去知君賢莫辭便作折腰吏何時得種公家田
從來形勢稱三輔太原雄關任腰膺借問年年汾水秋卽今誰作并州虎此別東西
各自悲古寺鐘鳴來客稀惟有鳴蟬聒人意夜來惆悵在高枝

七夕篇

片片微雲河漢明纖纖萬兩六街清客心本奏江南曲秋思常依北斗城城高斗轉
鸞鳥起今夕長安倍愁思丹鳳門深初月度青蠶更永涼風細涼風初月雁南飛故
里蕭蕭人未歸宿燕雙棲隱珠戶流螢數點上鸞機閨中獨愁還獨泣玉簾銀屏背
燈立已嫌月上照魂驚還訝風來共愁入青綺窗深早露秋金鋪行處玉簾鉤低帷
暗拂相思枕曝衣隨上合歡樓自古仙娥怨離隔妾望秋期那可得紅蘭曉落湘川
上黃沙夜暗交河北交河流水不連天洛川繡被不成眠君言寢見長如舊妾見妝
成不似前前時三五妍嬌慣妝成但結同心綰本知榮樂在當年誰保相憐期歲晏
當年歲晏思遙遙春草逢秋也自饒乘涼卻扇垂纖手獨坐穿針愁細腰輕離暫別
旋能久含情吐恨長相守不聞江漢送扁舟但見銀河挂窗牖此夜何人不憶家此
時何處望天涯聞道神京近東海將隨漢使覓浮楂

續孟從事微雲之句

涼夜話清景深堂靜已空微雲澹河漢疎雨滴梧桐偶坐間宵漏悠然聽早鴻秋來
薜蘿冷應與故山同

宴尹御史宅卽贈三首

明良感榮遇直道在如今君抱匡時策能爲隱士心素書隨意讀青草閉門深小閣
鑪香夜愁來只獨吟

未得隨仙仗空傳有諫書近來封事少不與故人疏祿薄猶供酒心齋勝食蔬招要
惜良會休問夜何如

碧澗新淩嫩秋田子鴨肥蔬蟹點花竹微雨淨莓苔風物江南好家山寢裏來無官
更何戀祇合守蒿萊

將之濟南留別京邑諸同好

秋林鬱榮條氣煖芳未折南士多離心孤懷感鄉節盈思難久安駕言且東發嘉筵
因事集帳餞傾時哲甘肴充八珍舉觴過三設雖知面對期感念目前別殷勤豈徒
斟厚愛愧將弱與來無獨悲酒醕歡未歇旋車過天達微風吹華月霜露已云暎山

川邈然絕何用慰歲寒令德指松柏

皇居冠文物英彥起高驤志士履危時慷慨思隆康龍螭在變化進退焉有常但恨
處卑位所願不獲彰不覩鷹隼擊肅殺志高翔遠望長風起始覺天地霜思彼燕市
豪撫劍觀八方縱心復何求朝夕醉一觴

燕趙多奇舞要眇赴弦歌華容競時妍廣坐呈修蛾知音古所歎眞賞意不多安得
窈窕房爲君奏陽阿昔聞三楚秀曼睩代層波時節忽流易此志常蹉跎荃蕙猶過
時况爾臨風柯峙曙九秋別君子其如何

自京赴濟南途中秋興

南苑依依柳猶能送客驂微生天意惜孤影別愁堪曉月供憔悴征鴻度兩三淺黃
深碧外只是憶湘潭

津口傳呼急新隄版築堅空聞志溝洫無策報安全久罷黃河役仍傾赤仄錢皇畿
尙疲病覽轡始茫然

十二橋邊樹枯蘄尙有根西風亂蘆葉孤月出關門蹕道悲龍過寒塘獨鳥喧先皇
全盛日生晚共誰論

微煙依碧樹清露洗空林正爾孤雲莫蒼然秋氣深
節移南地煖風落鄭城陰賴有王孫草萋萋伴獨吟

馬色渡河秋蕭蕭向德州江淮今罷運馮李昔潛謀
久重平原守間看甬水流羈愁不成寢那更聽齊謳

駐馬官橋側郵程數再經河流蕩日白山色青天青
晚麥疲民種荒田積水腥應憐風土變休喜似湘鄆

清涕接黃流平田歲不收從來河伯罪祇益聖王憂
近欲移滄海誰能問兗州遺民休待賑軍米尙空籌

寂寞澄虛樹清冷百步泉尺鱗紅見鬣雙羽翠衝船
物我無賓主樓臺有歲年離心與時事渺渺向秋煙

汎大明湖登歷下亭至鐵祠作一首

野心愛蕭條閒游易悽蕩放舟荒蘆際獨抱清秋賞
茲亭有興廢遺迹餘想象誰論古基在但見今人往
裴回雕檻側逶迤綠波上寒風拂林樹落葉委菰蔣
離離動遠色瑟瑟無停響人情慕留景感逝增一槍誰
謂顯晦齊無名道安獎古賢共論此寂

寔濠梁想來者可期孤咏聊自廣

都轉陳大夫重新歷亭卽賦贈別

汎棹臨晚景明湖激碧流霜清歷城靜木落孤軒浮勝地美今葺高吟懷昔儔登臨
默感會蕭瑟觀蘆荻俗宦苦無暇使君心轉幽俄聞結構罷已見湖海秋歎想盛名
士幾人隨釣舟得閒徒自惜知幻亦同游驄馬復將去鶴鳬空滿洲事移山寂寂情
在水悠悠政貴新爲理人非古獨愁興衰代有屬迹象道難留楚客怨招隱齊民貧
未謳寒飛慕南雁鄉夢如浮鷗疲俗在一舉觀成獻爾謀

爲蔡與循婦往返二首

嘉會無久新華年如斷素結髮侍清塵僊俛歲云故昔送易爲別今懷已多慮寒房
常早眠明月照我戶循名愧一載離會一何遽薄衾攤虛景婉變爲誰顧良訊猶空
存來鴻矧無遇希君游宦成見妾紅顏莫

蕭蕭緇塵起翳翳孤雲飛浮沉亦何遽念我與子違淑音往如新歲紀忽已非初爲
萬里別常若在庭閨情敬苟不隔何必慕容輝京洛多游子非我獨不歸寒來憂始
密節往思更稀願以三秋會報子陽春期

寄懷劉先生熙載

任才多所失任意少所成至德不嬰時敬慎爲道情末俗揚積波矯世亦自輕景行將何寄夫子照徽英冲性遠符綬澹慮辭承明貞介豈違物邈然自超榮人言黃唐遠取之在戶庭天人損益間得失兩不名曰余廁南越未覺悔吝萌逍遙河側游伐輻願瀾清夷惠非隆運恤緯獨霑纓

代幽憤詩 并序

友人李壽蓉官戶部主事其尙書宗室公特重之會奏發大錢贖私事同列疑李有謀尙書周公並牽之入獄籍其家無百金之物而囚繫不問漫以困之余在濟南危病中得京中書言其苦厄惻然悲感代作詩一篇亦冀以風悟天子使刑官知有罪無罪幾無刑之治是時方御試天下公車留京之士將授以學官欽命題目以君子懷刑激厲凡百遂仰述聖訓達小臣恐懼待皇之意抑嘗聞周任曰不能者止今京內大小從官數且萬計豈其甘蹈鼎鑊亦皆有高爵厚祿戀而不去壽蓉何咎焉繫閹運實代之幽憤而已其詞曰

經別辨筮儉德在否性濁易辱祿榮近恥嗟余冲暗貪仕爲貧恪恭末職政不及民
仰恃聖仁有寬無猛爰及同僚趨踰臺省風議優游卑位不爲臧否在口味於所施
任心而言自謂其正恢恢天網乃致余命豈無曲直人不我與苦酒湛蘭亦云自取
性不傷物康也維塵矧余剛褊沮志摧神熒熒宜狎附情竢對權奪秋官職移理寺
巖巖師臣身膏斧戍藐此微賤危於冬葉明明宣宗朝無大獄重典刑亂軌申枉酷
匪苛小臣思國之福匪訟而免懼刑之黷百爾君子知幾是速無恒安處願言伐輻
肅肅之雁命侶同歸雖有矰弋不害羣飛世不可入實有亂機君子觀變況在不微
孫登多識嗣宗至慎惟有琴酒可以無吝內悔夙志外謝友生人誰不宦庶無宦情
仰承帝訓君子懷刑咨爾在瀾其樂乃成在獄思隱怨飛無翼履安忘危此志其息
窮達惟命安危惟已俯仰之資不逾斗米勗我來日歸我山阿被裘帶索可以行歌
勸爾有位樂且有儀敢詠空谷以誠其他

奉陪郭大兄嵩燾登華不注山兼和贈一首

華峰萬石成一色上峯嶙峋下圓碧雙尖削瘦無四鄰攢秀亭亭見千尺神仙游客
同所遇世人少暇空來去從來靈境惜奇賞突兀東郊如虎踞夫君龍節登蓬萊峻

節驅風海水開大綱持政物多暇山人始見青驄來驄馬行行轉山麓落日寒光照
蒼玉近看歷落抽萬筍遠見參差成一簇中峰峻峭上危巒飛閣架構無層闌與君
相看豁方寸青天四望心目寬野風吹袂白雲滿濟南落掌飛勢遠夕煙曳嶺開屏
風歷山下對城如盤登高遠眺逸思多興酣抗響同高歌已嗟彊齊變弱魯坐傷清
涕汚濁河郭詩中有齊魯河濁河清涕事翻覆古往今來如逐鹿三山十島不可求
樓船駕海濤成屋今年海防參大計功成身退君所識泰西夷舟犯大沽者十四船盡破之詔書新命
倚此行青兗蒼生望經濟憂時覽古悲河山北望閭闔南荆關勝游未知白日短獨
坐始覺孤雲間閒游握手不易得路人旁觀指狂客但知二命有窮達誰信兩家無
擔石故人故鄉如眼前欲去未去心悽然願將世事老漁釣暫隱衡山過十年

歲盡雪莫寄懷篁中獄中

篁仙與余友經歷一紀歲戊申十二月雪夜宿余書室聯句二十韻自後賦
詠共先示稟欵昵之雅朋好備知今春夏在京以篁仙官事頗劇過從稍闕
余到歷下忽聞絃罔驚歎之念常人不堪況辱深知豈惟況歎而已會除夕
前二日莫雪結庭空房感舊輒成長律代敘其憤余素恥爲劇韻以昔聯句

曾押難字追少時之事遂用韓愈詠雪詩韻韻依次用并呈裕庭尙書肅順
李主事榕鄣編修嵩燾黃吉士錫彤龍謐錄汝霖高進士夢漢以諸君與篁
仙及余在尙書府相見頻數故因致余意庶幾拯之云爾

聞爾南冠繫淒然北信來故人時不利旅食歲相催籠鳥毛眞鍛寒鴉報可猜浮雲
望燕塞吹雪過龍堆坑穽投身入軒堂取勢回結澌欺水骨凝氣縮崖隈死草枯猶
壓高松勁亦摧初迷五達道旋上九重臺鏤玉敲棱角如羅漫翦裁封橋偏凍石踏
徑幾翻落屑屑花蕊碎紛紛絮按徒煩酒檮杌空溼佩玫瑰瓦重榱斜壁梁驚飯
拾埃漫天俄渾沌比月愧晶皚黑海仍掀浪銀山枉聚財粟肌人栗栗卷旆壘鬼鬼
虛兆傳豐歲嚴陰暗復雷齊宮暫發廩梁苑只傳杯郢曲終無和袁門遂不開飢鳥
口逾噤穴螳戶私培炫耀形難久飄搖事起纔但能陵岸柳豈敢鬥江梅罅隙彌縫
偏北轡掩覆該污泥荷裝飾險路望裴回儻值義迴馭眞如項敗垓呼霜迷衍獄覓
火溺韓灰勸子歸茅屋畚田藏芋魁高歌斗室應酣飲玉山頽鄉井多談謔兒童任
擊豚斲林筍破角出土藥含胎消長時時變盈虛漸漸推須爲塞翁喜莫作離門哀
冬盡一陽復詩平萬劫災慚余羸衾被無助恥餅壘憶別興長歎憶情竭短才十年